

Aruba, Hulanda y gobernador no a haya otro ainda



ORANJESTAD — Gobierno di Aruba, gobernador Fredi Beukeveld y Gobierno di Hulanda ainda no a yega na un acuerdo pa loke ta un acuerdo nobo riba presupuesto 2014. Ayera nochi despues di un bay bin entre e tent di prome minister Mike Eman y gabinete di gobernador, secretaria di Consejo y

consehero, minister Mike de Meza a duna un discurso emocional den cual el a duna di conoce cu Hulanda ta keda duro ariba algun punto.

Les a detayenan riba pagina A2



Bo cadena
di numberman
di suerte ta duna
e number di awe

Sorteo di 15 Juli 2014



02 12 21
26 28 05 H



Signo: Libra



2 6 7 0



0 9 8 5

6 9 3 3

6 5 3 3



08 09 15 16

26



12 19 24 25

Mega Ball
04



6 9 9 0

3 5 4 6

0 2 0 0

DIARIO

9 9 7 5

4 4 1 1

8 0 1 5

SUPER
4

5 6 4 5

12 Juli 2014



2 4 14 16

44 48 X3

\$6 MILLION

11 Juli 2014



9 13 30 35

69 10 X5

\$41 MILLION

Aruba, Hulanda y gobernador no por haya otro ainda



ORANJESTAD — Gobierno di Aruba, gobernador Fredis refunjol y Gobierno di Hulanda ainda no a yega na un acuerdo pa loka ta un acuerdo nobo riba presupuesto 2014. Ayera nochí despues di un bay bin entre e tent di prome minister Mike Eman y gabinete di gobernador dor di ministernan, secretaria di Consejo Nicole Hoevertsz y consehero Richard Arends, minister Mike de Meza a duna un discurso emocional den cual el a duna di conoce cu Hulanda ariba un par di puntanan ta keda intransigente.

“Nos a trece dilanti nos preocupacionnan, nos desacuerdo cu e proceduranan cu a wordo cana dor di gobierno di Reino y decisionnan cu gobierno di Reino a tuma. Nos a splica hopi cla cu hama nos lo laga un pais of un persona kita nos autonomia. Nos ta para pa nos autonomia y pa cumplimiento di nos leyman”, asina De Meza a splica. Segun minister De Meza, gobierno lo a ofrece pa reuni cu gobernador y a contribui diferente opcion, pero tin desacuerdo ainda riba un par di punto cardinal. E mandatario y prome minister interino no kier a bay den detayes pero a keda mantene den su discurso cu gobernador tin cu firma presupuesto 2014. Diferente biaha De Meza a apela na gobernador personalmente pa pone man su curason y firma, tambe mirando condicion fisico di prome minister Eman cu awo visiblemente ta deteriorando.

Branson, Balkenende

For di mainta caba reunionnan a tuma luga non-stop den gabinete di gobernador. E tres partidonan for di diasabra caba ta purbando di yega na otro riba nivel di ambteenaar. Prome minister Eman mes a sali ultimo biaha for di su tent despues di 6'or. Por a

nota cu ainda e ta fuerte y lucido, pero deteriorando visiblemente. Den un entrevista na radio el a duna di conoce entre otro cu e ta conmovi cu e apoyo cu a bin for di Richard Branson via Twitter y for di Jan-Peter Balkenende den prensa Hulandes. Tambe exprome minister di Corsou Etienne Ys y prome minister di St. Maarten Sarah Wescott a bin bishita prome minister pa duna apoyo.

Plasterk ta a gaña?

Mientras tanto, minister plenipotenciario Alfonso Boekhoudt a declara na Caribisch Netwerk cu nunca el a bay di acuerdo cu e tres condicionnan cu minister Plasterk kier impone pa asina aproba cu Aruba fia placa. Plasterk na dos ocasion a declara cu Consejo di Minister di Reino, incluyendo Boekhoudt lo a acorda den reunion di 7 di februari cu Aruba lo cumpli cu tur tres condicion, prome den su carta na gobierno di Aruba dia 11 di februari y antayera den su contestacion riba preguntanan di Tweede Kamer.

Pero Boekhoudt ta desmenti esaki categoricamente. Mester bisa cu minister Plasterk ya caba a haya su mes den problema cu Tweede Kamer recientemente den un otro debate, pa cual di baina el a scapa di entrega su retiro.


Posibel sosten di MEP

Hopi notabel tambe ta e entrevista di e mesun Caribisch Netwerk cu lider di partido MEP, Evelyn Wever-Croes. E lider di partido geel, tambe ta cuestiona postura y accionnan di minister Plasterk, puntando pakico Hulanda diripiente kier mete den finanzas publico di Aruba siendo cu e presupuesto di aña 2013 segun Croes, tabata mas pio cu esun di 2014. Croes a declara cu apesar cu e ta haya cu minister Yrausquin no a duna suficiente resistencia na Plas-



terk den su cartanan, MEP ta dispuesto pa sostene prome minister Eman y gobierno di Aruba den lucha di autonomia. Condicion ta si pa prome minister stop cu su welga di hamber y bay Hulanda. “E ora

isternan a sali for di gabinete di gobernador pa bay bek pa nan campamento banda di Fort Zoutman. Por a nota na e expresion di cara di e ministernan cu partidonan ainda ta leu di yega na otro. Poco



nos ta dispuesto pa hunga un rol den esaki”, asina Croes a duna di conoce.

Ministerio Publico preocupado

For di bon fuente, Bon Dia Aruba a haya di compronde cu Ministerio Publico lo ta investigando expresionnan haci na radio den ultimo dianan na unda lo a menasa gobernador Refunjol. Vocero Ann Angela, no kier confirma esaki, pero ta bisa si na nomber di fiscal mayor Peter Blanken cu OM ta hopi preocupa pa loka ta tipo di expresionnan asina, y cu ta monitoriando e situacion.

Crusamento di caya

Un poco prome cu 6'or movencionnan a intensifica ora tur minister presente a crusa caya y dreña edificio di gabinete. Esaki lo a tuma luga riba nan propio iniciativa na unda nan a pidi gobernador pa reuni den su oficina. Eyden ministernan y gobernador Refunjol a keda debati cu otro. Reunion a sigui te banda di 8'or y mey ora min-

despues secretaria di Consejo Hoevertsz y consehero Arends a crusa caya dos biaha, sin duna niun declaracion na prensa. Na dado momento a sali na cla cu Ven Eman tabata cerca gobernador. E representante di Rey lo a invita ruman di prome minister pa un conversacion informal. Ora gobernador a sali for di su oficina pa subi su auto y bay cas, el a sali cu Ven y a bras'e pa despues bandona e sitio. Sostenedonan un biaha mas a yam'e pa traidor y a exige pa e forma presupuesto ora e tabata dreñando su vehiculo. Ven Eman despues a duna un declaracion cortico, bisando cu gobernador a dun'e e mensahe pa bisa prome minister Eman cu e ta sumamente preocupado pa su salud. Ven Eman despues a dreña tent di su ruman pa dun'e e mensahe personalmente.

E negociacionnan ta sigui awe mainta. De Meza den su discurso a haci un yamado na partidonan den oposicion pa laga politica un banda y bin Fort Zoutman. □